

山谷全集 外集

十三

内閣文庫	
番號	漢 17781
冊數	36 (13)
函號	119 1



綴じ部(喉部分)の文字など開きが不鮮明な箇所あり

豫章黃先生外集第...

黃庭堅魯直

賦二首

劉明仲墨竹賦

放目亭賦

古詩七十五首

溪上吟 并序

清江引

還家呈伯氏

流民歎

次韻答張沙河

次韻時進叔二十六韻

二月丁卯喜雨為北門留守文潞公作

古風次韻贈答初和甫二首

次韻答和甫盧泉水三首 并序

招子高二十二韻兼頌常甫世弼

林為之送筆戲贈 再和答為之

再和答為之

贈趙吉

次韻晁補之廖正士贈答詩

再次韻呈廖明略

走答明略適堯丞來相約奉謁故篇末及之

答明略并寄無咎 再次韻呈明略并寄無咎

再答明略二首 次韻感春五首

聖東將寓于衛 再次韻感春五首贈之

謝張泰伯惠黃雀鮓 次韻謝子高讀淵明傳

奉答子高見贈十韻 次韻孔著作早行

次韻晁無咎閻子常携琴入村

贈答晁次膺 春遊

同堯民遊靈心廟用馬陵一字賦詩二首

奉和王世弼寄上七九先生用其韻

贈張仲謀 送薛樂道知鄭鄉

送張沙河游齊魯諸邦

送吳彥歸番陽

薛樂道自南陽入都作詩餞行

次韻奉送公定 種決明

都下喜見八叔父 次韻答叔原

同王稚川飯寂照房 次韻叔原

次韻稚川 竹軒詠雪

丙寅十四首效韋蘇州 并序

對酒歌答謝公靜 戲贈李彥深

寄南陽謝外舅 次韻正仲三丈

賦二首

劉明仲墨竹賦

子劉子山川之英骨毛粹清用意風塵之表如秋高月明
游戲翰墨龍蛇起陸嘗其餘巧願作二竹其一枝葉條達
惠風舉之瘦地筍筍夏篁解衣三河少年稟生勦剛春服
楚楚俠游專場王謝子弟生長見聞文獻不足猶超人羣
其一折幹偃蹇斫頭不屈枝老葉硬強項風雪廉蔭之骨
成塵凜凜猶有生氣雖汲黯之不學挫淮南之鋒於千里之
外子劉子陵雲自許按劍者多故以歸我請觀謂何黃庭
暉曰吾子於此可謂能矣猶有脩篁之歲晚枯枿之發春
少者骨梗老而日新附之以傾崖巖石摧之以冰霜斧斤
第其曾尚昭穆至于來昆仍雲組練十幅河寒雨昏迺為

能盡之蓋陽虎有若之似夫子市人識之類固之具體
人不知蘇子曰世之工人或能曲盡其形至於其理非高
人逸才不能辦意其在斯故籍外論之梓人不以慶賞成
虞病僕不以萬物易蝸及其至也禹之喻於水佛尾之妙
於韶蓋因物而不用吾私焉若夫燕荆南之無俗氣庖丁
之解牛進技以道者也文湖州之得成竹於胸中王會稽
之用筆如印印泥者也詩云鶴鳴于九臯聲聞于天妙萬
物以成象必其胸中洞然好學者天不能掣其肘劉子勉旃

放目亭賦

走馬承受丁君作亭於其解東北吾友宋楙宗以為盡表
裏江山之勝名其亭曰放目而黔江居士為之賦
放心者逐指而喪背放口者招尤而速累自作訛訛自增

憤憤登高臨遠，唯放目可以無悔防心，以守國之械防口，以挈瓶之智，以此放目焉。方丈尋常，而見萬里之外。

古詩七十五首

溪上吟 并序

時年十六

春山鳥啼新雨天，霽汀草怒長竹篠，交陰黃子觀漁於塘下，尋春于小桃源，從以溪童稚子，畦丁三四輩，茶鼎酒瓢，淵明詩編雖不命戒，未嘗不取諸左右，臨滄波拂白石，詠淵明詩數篇，清風爲我吹衣，好鳥爲我勸飲，當其溱然，無所拘係，而依依規矩準繩之間，自有佳處，乃知白蓮社中人，不達淵明詩意者多矣，過酒肆則飲亦無量也，然未始甚醉，蓋其所寓與畢卓劉伶輩同，而自謂所得與二子異，人亦殊不能知之也，酒酣得紙書之爲溪上吟。

短生無長期，聊暇日，婆娑出門望，高丘拱木漫春蘿，試爲省鬼錄，不飲死者多，安能如南山，千歲保不磨，在世崇名節，飄如赴燭蛾，及汝知悔時，萬事蓬一窠，青青陵陂麥，妍暖亦已化，長煙淡平川，輕風不爲波，無人按律呂，好鳥自和歌，杖藜山中歸，牛羊在坡陀，本自無廊廟，政爾樂澗阿，念昔楊子雲，刻意師孟軻，狂夫移九鼎，深巷考四科，亦有好事人，時能載酒過，無疑舉爾酒，定知我爲何。

清江引

時年十七

江鷗搖蕩荻花秋，八十漁翁百不憂，清曉采蓮來盪漿，夕陽收網更橫舟，群兒學漁亦不惡，老妻白頭從此樂，全家醉着蓬底眠，舟在寒沙夜潮落。

還家呈伯氏

葉縣作

去日櫻桃初破花歸來着子如紅豆四時驅迫少須臾兩
鬢飄零成老醜永懷往在江南日原上急難風雨後私田
苦薄王稅多諸弟號寒諸妹瘦扶將白髮渡江來吾二人
如左右手苟從祿仕我遭回且慰家貧兄孝友強趨手板
汝陽城更責愆期被訶詬法官毒螫草自搖丞相竊威人
避走賤貧孤遠蓋如此此事端於我何有一囊粟麥七千
錢五人兄弟二十口官如元亮且折腰心似次山羞曲肘
北窻書冊久不開筐篋黃塵生鏤鈕何當略得共討論况
迺雍容把杯酒意氣敷腴貴壯年不蚤計之且衰朽安得
短船萬里隨江風養魚去作陶朱公班衣奉親伯與儂四
方上下相依從用舍由人不由已迺是伏轅駒犢耳

流民歎

朔方頻年無好雨五種不入虛春秋邇來后土中夜震有
似巨鼇復戴三山遊傾墻摧棟壓老弱寃聲未定隨洪流
地文割剝水感涕十戶八九生魚頭稍聞澶淵渡河日數
萬河北不知虛幾州纍纍襁負襄葉間問舍無所耕無牛
初來猶自得曠土嗟爾後至將何怙刺史守令真分憂明
詔哀痛如父母廟堂已用伊呂徒何時眼前見安堵踈遠
之謀未易陳市上三言或成虎禍災流行固無時堯湯水
旱人不知桓侯之疾初無證扁鵲入秦始治病投膠盈掬
俟河清一簞豈能續民命雖然猶願及此春略講周公十
二政風生郡口方出奇老生常談幸聽之

次韻答張沙河

張侯堂堂身八尺老大無機如漢陰猛摩虎牙取吞噬自

歎日月不照臨策名日已汙軒冕逃去未必焚山林我評
君才甚高妙孤竹截管空琴瑟四十未曾成老翁紫髯垂
頤鬱森森眉宇之間見風雅藍田烟霧生球琳曾中礮磊
政須酒東海可攬北斗斟古人已悲銅雀上不聞向時清
吹音百年毀譽付誰定取醉自可結舌瘖使公繫腰印如
斗駟馬高蓋驅駸駸親朋改觀婢僕敬成都男子寧異今
又言屋底甚縣聲兒婚女嫁取千金古來聖賢多不飽誰
能獨無父母心衆鷄墮地各有命強為百草憂春霖艾封
人子暗日睫與王同床悔沾襟隴鳥入籠左右咏終日思
歸碧山岑一生能幾開口笑何忍更遣百慮侵忽投雄篇
寫逸興仰占乾文動奎參自陳使酒嘗罵坐惜予不與朋
合簪君材蜀錦三千丈要在刀尺成衣衾南朝例有風流
癖楚地俗多詞賦淫屈原離騷豈不好只今漂骨滄江淨
政令夷甫開三窟獵以我道皆成禽温恭忠厚神所勞於
魚得計豈厭深丈夫身在要勉力豈有吾子終陸沉鄙人
相士蓋多矣勿作蔡澤笑噤吟

次韻時進叔二十六韻

時子河上園竹間開棟宇大兒勝衣冠小兒豐頰輔嫁女
與朱公伏臘可稱舉髮凍雖蒼浪齒嚼未齟齬雞棲牛羊
下各自有室處四墻規摹小易守若勝苜舍前花木深春
物麗觀觀舍後曲池蛙齋堂風月苦此豈不足歎歎歲不
我與客宦孤雲耳未知秦吳楚向來千駟公果愧一丘土
寧當損軒昂聊欲效俯偃時子忻然笑吾已寤倉鼠少猶
守章句晚實愛農圃鵲巢最知風蟻穴識陰雨世網事諳

委醉鄉俗淳古坐忘兩家說肉堅與腸腐酒至即使傾客
來敢辭宴時邀五柳陶共過三徑謂往在少年場豪氣壓
穎汝借令今尚爾真復難共語稍知憐翅藥漸解等灘澗
朋交半山阿光陰共行旅人故義當親衣故義當補飛鳧
王令尹期我向君所君為拂眠床淹留莫城阻水自河出為澗自濟出為澗
二月丁卯喜雨吳體為北門留守文潞公作

乘輿齋祭井泉宮遣使駿奔河岳中誰與至尊分盱食北
門臥鎮司徒公微風不動天如醉潤物無聲春有功三十
餘年霖雨手淹留河外作時豐是時故有微風不動之句

古風次韻荅初和甫二首

饑思河鯉與河魴渴思蔗漿玉盃涼冬願純綿對陰雪夏
願縹緜度盛陽萬端作計身愁苦一事不諧鬢蒼浪調笑

天街吟海燕藜羹脫粟非公狂

君吟春風花草香我愛春夜璧月涼美人美人隔湘水其
雨其雨怨朝陽蘭荃盈懷報瓊玖冠纓自潔非滄浪道人
四十心如水平那得夢為胡蝶狂

次韻荅和甫盧泉水三首并序

和甫作盧泉之水不求於古樂府而規摹暗合予為和
成三疊自予官河外罕得逆耳之言於朋友和甫愛我
也居有樂言吾不欲其思盧泉也故作其一父母之邦
有如仲尼柳下惠而懷安之以吾之樂雙井知和甫之
不忘盧泉也故作其二坐進此道者於物無擇清漳之
波濁河之流盧泉之水求其異味而不得也親樂之身
安之斯可矣故作其三夫三言者雖不同唯知言者領

其不異也

初侯不能六尺長少日結交皆老蒼勢利不可更炎涼解
纓從我濯滄浪與君論心松栢香何為獨憶盧泉之上多
綠楊盧泉如練照秋陽泉上之人猶誇傷此邦雖陋有佳
士勿厭風沙吹茫茫願君不負上池水囊中探丸起人死
盧泉之木百尺長下蔭泉色如木蒼蘋風荷雨洒百涼倒
影搖蕩天滄浪網罟錦鱗蒲荇香何以貫之柳與楊古來
希價入咸陽貪功害能相中傷君今已出紛爭外但思煙
波春淼茫奉親安樂一杯水盧泉之濱可忘死

舍後鍾梵爐烟長舍前簾影竹蒼蒼事親煨芋扇枕涼中
有一士鬢蒼浪同心之言蘭麝香與游者誰似姓楊朝發
枉渚夕照暘懷瑾握瑜祇自傷東有濁河西清漳胡為縈

頭盧泉思茫茫清明在躬不在水此曹煇猶可心死

招子高二十二韻兼簡常甫世弼

我行向厭次夏扇日在搖甘瓜未除蘆高柳尚鳴蜩駕言
聊攝歸飛霜曉封條負薪泣裘褐公子御狐貂歲月坐晚
晚鬢頽颯然凋道德千古事斯文非一朝往者我不及後
生多見超吾黨二三子士林聳孤標小謝抱周易忘言獨
參寥崔郎楚左史二典考舜堯王生風雅學諍辯秋江潮
洒筆驚有司小敵謂可驕安知樗蒲局臨關敗三梟三生
數步隔屢赴茗椀邀小謝殊未來我覺百里遙問之憂菽
水心慮極無聊父憐母不訶日以濁酒澆此道如鼎實念
子羹未調古來有親養回也樂一瓢不田鶉生安在物乃
為袂吾言有師承可信如斗杓詩以解子憂亦用當子招

林爲之送筆戲贈

閻生作三副，規摹宣城葛。外貌雖銑澤，毫心或廉犇。功將希栗尾，拙迺成棗核。李慶縛散卓，含墨能不洩。病在惜白毫，往往半巧拙。小字亦周旋，大字難曲折。時時一以迺，似逆梳髮張鼎徒。有表徐偃元，無骨模畫記。姓名亦可應，倉卒爲之街南居。時通鈴下謁，晴軒坐風涼。怪我把枯筆，開囊撲蠹魚。遣奴送一束，洗硯磨松煤。揮灑至日沒，蚤年學屠龍。適用固踈闊，廣文困齏鹽。烹茶對秋月，略無人問字。况有客投轄，文章寄呻吟。講授費頰舌，剛無用心處。雖黃到筆墨，時不與久遊。孔子尚愛日，作詩當鳴鼓。聊自攻短闕。

再和答爲之

君勿嘲廣文，泣寒被絺葛。君勿嘲廣文，窮年飯菜糲。常恐俎豆予，與世充肴核。凡木不願材，大折小枝洩。櫟依曲轅社，聊用神其拙。吾家本江南，一丘藏曲折。瀕溪蔭蒼葭，蕭灑可散髮。旣無使鬼錢，又無封侯骨。薄祿庇閑曹，且免受逼卒。爲此懶出門，徒敝懷中謁。直齋賓客退，風物供落筆。詩成著牀頭，不知今幾束。君何向予勤，見詩歎埋沒。嗣宗須酒澆，未信曾懷闊。自狀一片心，碧潭浸寒月。令德感來教，爲君賦車轄。君思揚雄叱，何似張儀舌。此意恐大狂，願爲引繩墨。政使此道非，改過從今日。報章望瓊琚，勿使音塵闕。

再和答爲之

林君維閩英，敷面成瓜葛。鄰居接杖藜，過飯厭疎糲。讀書

飽工夫論事極精核奮身君子場勇若怒未洩窮年復旅
巢由命非由拙王良驅八駿方駕度九折學堂疎雨餘石
砌長苔髮弟子肥如瓠先生瘦唯骨林君在朱氏請授朱氏兒皆面白豐肥而
刻如北門一都會塵埃人卒卒高蓋如秋荷勢利相奔
謁唯君尚寡冥來觀草玄筆斯文未易陳政當高閣束金
馬事陸沉市門逐乾沒未須相賢愚聊自嘲迂闊憶昨戲
贈詩迺辱報明月極知推挽意我車君欲轄屠龍真狂言
奔馬不及舌賜書盈五車直舍方二墨會意便欣然餘事
過窓日尚恐素餐錢諸生在城闕

贈趙言

饒陽趙方士眼如九秋鷹學書不成不學劍心術妙解通
神明鑿如俯身拾地芥相如仰面觀天星自言方術雜鬼

江萬種一貫皆天成大梁卜肆傾賓客二十餘年聲籍籍
得錢滿屋不經營散與世人還寄食北門墜土滿衣襟廣
文直舍官槐陰白雲勸酒終日醉紅燭圍碁清夜深大車
駟馬不回首強項老翁來見尋向人忠信去表襮可喜政
在無機心輕談禍福邀重糈所在多於竹箬林翁言此輩
無足聽見葉知根論才性飛騰九天沉九泉自種自收皆
在行先期出語駭傳聞事至十九中時病輪囷離奇惜老
大成器本可千萬乘自嘆輕霜白髮新又去驚動都城人
都城達官老於事嫌翁出言不斌媚有手莫炙權門火有
口莫辯荆山玉吳宮火起燕焚巢當時卞和斲兩足千里
辭家却入門三春榮木會歸根我有江南黃篋舫與翁長
入白鷗群

次韻晁補之廖正一贈答詩

晁子抱材耕谷口，世有高賢踐台斗。頃隨計吏西入關，關
夫數日傳車還。封侯半屬妄校尉，射虎猛將猶行間。無因
自致青雲上，浪說諸公見嗟賞。驥伏鹽車不稱情，輕裘肥
馬鳳凰城。歸來作詩謝同列，句與桃李爭春榮。十年山林
舉居士，今隨詔書稱舉子。文章宏麗學西京，新有詩声似
侯喜。君不見古來良為知音難，絕絃不為時人彈。已喜瓊
枝在我側，更恨桂樹無由攀。十里風期初不隔，獨憐形迹
滯河山。

再次韻呈廖明略

吾觀三江五湖口，湯湯誰能議升斗。物誠有之七則然，晚
得康子喜往還。學如雲夢吞八九，文如壯士關黃周。十年

吟吟江湖上，青楓白鷗付心賞。未減北郭漢先生，五府交
書不到城。漢南相者舉肥驥，空老山中無人桂。自榮君

既不能如鍾世美，匪函上書動天子。且向華陰郡下作參
軍，要令公怒令公喜。君不見晁家樂府可管絃，惜無傾城
為一彈。從軍補掾百僚底，九闕虎豹何由攀。男兒身健事
未定，且莫著書藏名山。

走荅明略適老民來相約奉謁故篇末及之

君不見生不願為牛，後寧為雞口。吾聞向來得道人，終古
不忒如維斗。希價咸陽諸少年，可推令往挽令還。俗學風
波能自拔，我識廖侯眉宇間。省庭無人與爭長，主司得之
如受賞。東家一笑市盡傾，略無下蔡與陽城。生珠之水砂
礫潤，生玉之山草木榮。觀君詞章亦如此，諒知躬行有君

子更約探囊閱舊文。蛛絲燈花助我喜。賢樂堂前竹影班。
好鳥自語莫令蟬。北鄰著作相勞苦。整駕謁子邀同攀。應
煩下榻煮茶藥。坐待月輪銜屋山。

荅明略并寄無咎

可以忘憂唯有酒。清聖濁賢皆可口。前日過君飲不多。明
日解醒無五斗。古木清陰丹井欄。夜來涼月屋頭還。論交
撥置形骸外。得意相忘樽俎間。冰壺不可與夏蟲。饗秋月
不可與俗士。賞已得樽前。兩友生更思一士。濟陽城雖無
四至九卿之規畫。猶有千秋萬歲之真榮。空名未食太倉
米。今作班衣老萊子。鄉家嗣宗望尔來。不獨我聞足音喜。
西風索寞葉初乾。長缺歸來亦罷彈。窮巷蓬蒿深一尺。朱
門廉陛高難攀。吾儕相逢置是事。百世之下仰高山。

再次韻呈明略并寄無咎

夏雲涼生土囊口。周鼎湯盤見科斗。清風古氣滿眼前。乃
是戶曹報章還。只今書生無此語。已在貞元元和間。一夫
鄂鄂獨無望。千夫唯唯皆論賞。野人泣血漫相明。和氏之
璧玉無連城。參軍拄笏看雲氣。此中安知枯與榮。我夢浮天
波萬里。扁舟去作鷓夷子。兩士風流對酒樽。四無人聲鳥
聲喜。夢回擾擾仍世間。心如傷弓怯虛彈。不堪市井逐乾
沒。且願朋舊相追攀。寄聲小掾篤行李。落日東面空雲山。

再荅明略二首

挾策讀書計餬口。故人南箕與北斗。江南江北萬重山。千
里寄書聲不還。當時朱絃寫心曲。果在高山流水間。枯桐
滿腹生蛛網。忍向時人覓清賞。廖侯文字得我驚。五岳縱

橫守嚴城萬夫之下不稱屈定知名滿四海非真榮富如
春秋已如此它日卜隣長兒子一丘各自有林泉扶將白
頭親宴喜秋風日暮衣裳單深巷葉落已如彈數來會面
復能幾六龍去人不可攀短歌溷公更一和聊乞淮南作
小山

廖侯言如不出口銓量古今膽如斗度越崔張與二班古
風蕭蕭筆追還前日辭家來射策聲名籍甚諸公間華陰
白雲鎖千嶂勝日一談誰能賞君不見曩時子產識然門
知音鬱鬱開佳城勿以匣中之明月計校冀上之朝榮我
去立園十年矣種桑可蠶犢生子使年七十今中半安能
朝四暮三浪憂喜據席談經只強顏不安時論取譏彈愛
君草木同臭味頗似瓜葛相依攀我有仙方煮白石何時

期君藍田山

次韻感春五首

我與子桑友既往雨彌旬交情未曾改天地忽趨新東風
無行迹佳氣滿城門麥苗生陂隴歎息不食陳誰能裹飯
來定是寂寞人一曲古流水試拂絃上塵古木少生意輪
困臥河濱慙愧桃與李相隨見陽春

張侯脫朝衣兒褐多純綠問道無米煮黃木學辟穀官吏
但索錢詔書哀婢獨東方長九尺不得侏儒祿屋中聲鵝
鴈日暮攪心曲窮巷無桃李緼袍非春服我吟白駒詩知
君在空谷

祁寒不可怨天道自平兮及爾春風來四肢有餘溫丈夫
力如虎爲人行灌園樹蘭土壅蔽未可怨芳孫寒魚守窮

轍蒙煦一沫恩一朝被湔拂吹毛見癢痕

鳥聲春清長煙雨春薄暮風光不長妍如空暫時寓芸芸

物爭時天地有常度我行觀大河黃流日東鶩喟然欲乘

桴菴不見洲渚張侯但飲酒無用恨羈旅十年富貴子今

作一丘土

富貴子一作尊前客

茶如薦瓜拳湯作蠚眼前時邀草玄客晴明坐南軒笑談

非世故獨立萬物先春風引車馬隱隱何聞聞高蓋相摩

憂騎奴爭道喧吾人撫榮觀宴處自超然感中百年木有

鷓巢其顛鳴鳩來相宅日莫更謀遷

鳴鳩作鷓

聖東將寓于衛行乞食於齊有可憐之語再次韻

感春五首贈之

溫氣冰底歸忽忽六過旬園林改柯葉鳥聲日日新耕稼

百年外四郊無短門高立試頭望俯仰亦一陳信陵松鬱

鬱不見曩時人空懷負暄賞莫之屬中書萬卷陪

死溝壑濱投壺與射覆一笑物皆春

種萱欲遣憂叢薄空自綠洗心日三省入亦不我殺誰能

書窻下草玄抱幽獨白首官不遷校書漢天祿身當萬戶

侯鼓吹擁部曲解佩著犀渠張弓挿彫服何時李將軍射

獵出上谷

春風鳴布穀天道似勸分持飢望路人誰能顏色溫笑憶

枯魚說談諧老漆園湘纍不得祿哀怨寫荃蓀千年澗谷

松慚愧雨露恩思為萬乘器願掩斧鑿痕

風雨桃李華佳人来何暮安齊果未安寓衛豈所寓張侯

室縣罄得酒美無度常憂腐腸死須我嫁阿鶩雙魚傳尺

書何處迷春渚啼鳥勸不歸晚鞍逐行旅遙知登樓興信
美非吾土

魯公但食粥百口常憂煎金張席貴寵奴隸乘朱軒文夫
例寒飢萬世無後先風霾天作惡雷亦怒聞聞俄頃花柳
靜烟暖谷鳥喧人事每如此翻覆不常然下流多謗識高
位又疾顛空餘壯士志不逐四時遷

謝張泰伯惠黃雀鮓

去家十二年黃雀慳下筋笑開張侯盤湯餅始有助蜀王
煎菽法醢以羊彘免俗謂亥卯未醢能麥餅薄於紙含漿和醎酢
秋霜落場穀一一披鹽絮殘飛蒿艾間人網輒萬數烹煎
宜老稚覺在煩愛護南包解京師至尊所珍御玉盤登百
十昨睥睨輕柱蠹五侯喊豨豹見謂美無度瀕河飯食漿瓜

類已佳茹誰言風沙中鄉味入供具坐令親饌甘更使客
得與蒲陰雖窮僻勉作三年住願公且安樂分寄尚能屢

次韻謝子高讀淵明傳

枯木嵌空微暗淡古器雖在無古弦袖中政有南風手誰
為聽之誰為傳風流豈落正始後甲子不數義熙前一軒
黃菊平生事無酒令人意缺然

奉荅子高見贈十韻

柳徑雨著綿竹齋風墮籜屏處人事少晴餘鳥聲樂詩卷
隨我前謂從天上落君有古人風詩如古人作筆瓢謝膏
梁翰墨化糟粕誤蒙東海觀吾淺迺可酌真成聞道百自
謂莫已若謝生石蘊玉志尚本立壑雖無首陽粟飲水亦
不惡楚然何時來為我一發藥

次韻孔著作早行

棄置鉏犁就車馬從來計出古人下塵埃好在三尺桐不
疑萬世期于野明經使者著書郎風雨乘驛忘夙夜回車
過門問無恙何意深巷勤長者聖師之後蓋多賢頌略世
故有餘暇白而長身雖不見好古發憤尚類也自然身如
警露鶴每先鳴雞整初駕北行河決所至郡肅肅王命哀
鰥寡力排濇沱避城郭深澤疲民且田舍賈生三策藏曾
中羿矢百中不虛捨行歸定拜闕內侯但賜黃金恐非價

次韻無咎閻子常携琴入村

士寒餓古猶今向來亦有子桑琴倚檻嘯歌非寓淫伯牙
山高水深深萬世丘壘一知音閻君七絃抱幽獨是子為
之梁父吟天寒絡緯悲向壁秋高風露聲入林冷絲枯木
拂蛛網十指乃能寫人心村村擊鼓如鳴鼙豆田見角穀
成螺歲豐寒士亦把酒滿眼釘餛飩梨棗多是家公子屢經
過笑談與世殊曰科文章落落映晁董詩句往往妙陰何
閻夫子勿謂知人難使琴抑怨父不和明光畫開九門肅
不令高才牛下歌

贈晁次膺

不膺豪健如霜鶴空拳誤掛田犬牙果輸司空城旦作付
與步兵厨人家野馬橫郊作凝水牽牛引竹上寒花無酒
醉公不甚惜誦公五字使人嗟

春游

終日桃李蹊春風不相識同我二三子承我作意力把酒
忘味著看花了香窸晴雲散長空曠蕩無限隔身為胡蝶

夢本自不漁色春蟲勸人歸今我誠是客歸來翻故紙書
尾見麟獲文字非我名聊取二三策

同堯民游靈源廟廖獻臣置酒用馬陵二字賦詩

靈源廟前木我昔見拱把七年身屢到鬱鬱蔭簷瓦春風
響馬街並轡客簫酒更願少尹賢置酒意傾寫齋堂有佳
處花柳輕姪姹蓮塘想舊葉猶畦識枯苴開關撫洪河黃
流極天瀉憶昔武皇來繫壁沉白馬從官親土石襁負至
鰥寡空餘瓠子詩哀怨逼騷雅白圭自聖禹今誰定真假
晁子發讜言聖功諒難亞排河著地中勢必千里下移民
就寬閑何地不耕稼此論似太高吾亦茫取舍有器可深
川吾未之學也馬字

洪河壯觀游太府佳友朋春色挽我出東風如引繩昏昏

版築氣王事始繁興大堤如連山小堤如同陵增卑更增
薄萬杵何登登憶昨河失道平原魚可曾田萊人未復瘡
大國方懲忿念未罷開為民保丘塋百縣伐墓出夜半廢
曲肱吾儕愧祿廩游行事鞍乘晁子漢公孫新去司馬丞
出幹太農部才術見嗟稱我坐廣文舍七年讀書日燈結髮
入場屋肯謂河難憑尔來觸事短癡甚霜前蠅世味極淡
薄不了人愛憎唯得一卮酒尚能別淄澠所以對樽俎未
曾問斗升酌我良已多狂言恐侵陵暮雲吞落日歸鳥求
其朋復韻冷官僕馬瘦及門鼓騰騰撥

奉和王世弼寄上七兄先生用其韻

宮槐弄黃黃蓮葉綠婉婉時同二三友竹軒涼夏晚駕言
都城南以望征車返何知苦淹回及此秋景短愁思令人

瘦舉目道路遠西風脫一葉薦士聞鄉選簡書催渡河賓
客不得展親憂對宣叢婦病廢巾盥言趨厭次城鞭馬倦
長阪棗林蔽天日交陰不容繖仰看實離離憶見花纂纂
異鄉懷節物不共斟酒盞舉場下馬入深鑠嚴籥管諸生
所程書摺束若稽得蠶燈坐回環丹硯精料束披榛拔芝
蘭斷石收琰琬紛爭一日事聲實溷端竅天球或弃遺斗
筭尚何算西歸到官舍塵土昏案板寒窻穿碧疏潤礎開
蒼鮮詩書鵠巢翻帷慢蛛絲骨果知兄未來光陰坐耽晚
昨蒙叔父報亦歎音書簡薄言使事重激切被天遣逋流
一方病責任媿和扁咨詢懷靡及不皇暇息偃嚼冰進糜
殮衝雪踏層巘嚴霜八月飛貂狐無餘煖念嗟叔母劉窮
年寄甥館尚憐公初黠誘掖到昭宛庭堅薄才資行又出

畦町浮雲與世疎短綆及道淺匠伯者暫回大樗終偃蹇

學宮尸廩入奉養闕豐腆學徒日新聞孤陋猶舊典小村

渠困我持斲問輪扁復用此一韻大材我屈渠越鷄當鵠

外未能引分去戀祿幸苟免平生報一飽從事極黽勉豈

如不見收放身就閑散思伯臥江南無心趣軒冕龐翁跡

頗親黃蘗門屢款齋餘佛飯香茶沸甘露滿逢人問進退

餘事寄一莞仲父校高材其為溝中斷音短青黃可擬樽薦

廟配瑚璉季父有逸興未嘗入都輦臨流呼釣船拂石弄

琴阮雍容從朋交林下追遊衍田園雖足樂及時思還返

陰寒不鳴條望損倚門眼南枝喜鵲鳴尺素託黃犬又以

窀穸留歸期指姑洗寄聲問僧護兒髮可以縮妙言對賓

客稱渠萬金產爾來弄筆硯墨水惡翻建音大字如栖鴉

已不作肥軟魯論未徹章政苦諸叔懶新詩開累紙欲罷
不能卷遠懷託孤高別思盈繾綣秋月明夜潮柘漿凍金
椀踈杵韻寒砧幽泉流翠筧吟哦口垂涎嚼味有餘雋傳
示同好人我家東林坦風煙意氣生揮毫寫藤爾獵山窮
鷄鷩罩海極蝦蜆銀釣亂眼膜嘉句濯肺腕且言伯在野
朋友必推晚五泰列清廟聖緒今皇續真儒運斗樞道化
迪天顯朝論惜才難逸民大蒐獮豈聞任方物包貢遺羽
簞招車必翹翹前席思寒寒王甥欲好懷高意恐難轉長
篇題遠筒封寄淚空潛遙知雲際開仄飛黃鍾管

贈張仲謀

車如鷄栖馬如狗閉門常多出門少去天尺五張公子官
居城南地館好健兒快馬紫游韁迎我不知沙路長江榆

七柳媚寒日枯荷小鴨凍野航津人刺舫起應客遙知故
人一水隔下馬索酒呼三遲駢奴笑言客竟癡向來情以義
比瓜葛萬事略不置叮咛追救存亡異憂樂燭如白虹貫
酒危開軒臨水弄長笛吹落殘月風淒淒城頭漏下四十
刻破魔驚睡聽新詩君詩清壯悲節物政與秋蟲同一律
爾來更覺苦語工思婦霜碁擣寒月朱顏綠髮深誤人不
似草木長青春潔身好賢君自有今日相看進於舊以茲
敢傾一盃酒爲太夫人千歲壽

送薛樂道知鄖鄉

黃山葉縣連牆居謝公席上對樽蒲雙鬟女弟如桃李蚤
許歸我舍中鷄平生同憂共安樂歲晚相望青雲衢去年
樽酒輦轂下各喜身爲反哺鳥城頭歸鳥尾畢逋春寒啄

雪送行車解珮我無明月珠折柳下對千里駒念君曾中
極了了作吏辦事猶詩書濁酒挽人作年少關防心地亦
時須鄭鄉縣古民少訟但問自己不關渠登臨一笑雙白
髮宜城凍笋供行厨人生此樂它事無行李道出漢南都
寄聲諸謝今何如謝公書堂迷竹塢手種竹今青青否我
思謝公淚成雨屬公去漉攘下土

送張沙河遊齊魯諸邦

張侯去沙河三食鄴下麥筆力望冕董頗遭俗眼白平生
學經綸曾中負奇畫未論功活人飽飯不常得妻寒尚宿
敬兒餓猶筆墨側聞共伯城魚稻頗宜客又待塵生說欲
往立四壁平生貸米家十輩來薄責囊無孔方兄面有在
東色守株同投兔歲晚將何獲廣道無人行春風轉沙石
栖栖馬如狗去謁東侯伯布衣未可量蒼髯身八尺魚乾
要斗水土田易為德譬之舉大木人借一臂力諸公感意
氣豈待故相識吾窮乏祖餞折柳當馬策

送吳彥歸番陽

學省困齋監人材任尊獎倥侗祝螟蛉小大器鬻旒諸生
厭晚成躡學要儉駟摹書說偏旁破義析名象九鼎奏簫
韶爰居端不饗青衿少到門庭除書閑敞竹風交槐陰三
見秋氣爽時賴解事人載酒直心賞吳郎楚國材幽蘭秀
榛莽彥國吐嘉言子將喜標榜平生欽豪俊久客慕鄉黨
虛齋延灑掃飯薦居菴詩句唾成珠笑嘲愜爬蟬春夏
頻謝除曾未厭來往歸鴈多喜聲寒蟬停哀響黃花滿籬
落白蟻鬧甕盎留君待佳節忽忽戒徂兩親戚傷離居交

游念疇曩基局無對曹檮蒲失明長問君去為何雲物愁
莽蒼壽親髮班班千里勞夢想家雞膏頭肥寒魚受罾網
耳旨款中厨伊啞弄文襜此行樂未央安知川塗廣深秋
上滄江遠水平如掌人生要得意壯士多曠蕩野鶴疲籠
樊江鷗戀菰蔣本來丘壑姿不著芻豢養寄聲謝鄉鄰為
我具雨漿有路即歸田君其信非誑

薛樂道自南陽來入都留宿飲會作詩餞行

薛侯本貴胄射策一矢中金蘭託平生瓜葛比諸從數面
尚成親况乃居連棟交游及父子講學連伯仲奴人通使
令孩稚接戲弄相憐負米勤同力采蘭供每持君家書平
安覩歎絳犇人與吾炙憂樂一體共釋之廷尉曹微過成
樂訟從此張長公不肯為時用丘阿撫梧桐曲直不在鳳

生涯谷口耕世事邯鄲夢自君抱憂端酒碗未忍隳用高
秋自一歸意氣稍寬縱黃花尚滿籬白蟻方浮甕私言助
燕喜且莫戒韜重霜風彈帷幕銀燭吐蟬竦密坐幸頗歡
劇飲寧辭痛踈鍾鳴曉撞小雨作寒霧廐馬蕭蕭鳴征人
稍稍動九衢拂柳中縱緩青絲鞵米糝豪士集紅袖清歌
送河鯉獻鱸材江橙解包貢蟹擘鵝子黃酒傾曉珀凍舉
觴遙酌我發噫知見頌行行鞭筆倦短句煩屢諷

次韻奉送公定

去年君渡河棗下實離離今年君渡河剝棗詠幽詩直緣
恩義重不憚鞍馬疲詩書半行李道路費歲時親文歎存
學問訪闕遺我多後時悔君亦見事遲即此有真意定非
兒女知虛名無用處北斗與南雀燕趙游俠子長安輕薄

兒狂掉三寸舌，蠟登九級墀。覆手雲雨翻，立談光陰移。軟
血盟父子，指天出肝脾。從來國器重，見謂骨相奇。築巖發
夢寐，獵謂非熊螭。百工改繩墨，一世擅文詞。全人脰肩肩，
甕盎媼且宜。犬槐陰黃庭，女蘿綿絡之。韶陽兩兄弟，還自
妬蛾眉。工顰又宜笑，百輩來茹咨。班姬輕鴻毛，更合衆口
吹。引繩痛排根，音蒙蔽枉成惟。唯恐出已上，殺之如奕棊。
塵埃百生琴，絕絃為鍾期。落落虎豹文，義難管中窺。至今
揚子雲，不與俗諂嬉。歲晚草玄經，覃思寫天維。脫身天祿
閣，危於劔頭炊。臥聞策董賢，閉門甘忍飢。五侯盛賓客，騶
纒交橫馳。時通問字人，得酒未曾辭。近者君家翁，天與脫
羶譏。已為冥冥鴻，矧嫩尚安施。養蘭尋僧圃，愛竹到水湄。
北關免朝請，西都分保釐。文章九鼎重，富貴一黍累。道長

請潛用，但為商君噴。奔甲尚文，通犯多牛有皮。出仕書製，
肘歸來，菊荒籬不為。五斗折自，無三徑資。勝箭洗蹀血，歸
鞍懸月支。斯人萬戶侯，造物付鑪錘。我觀史臣篇，疏略記
糟醅。譬如官也蛙，誰能問公私。君懷明月珠，簸弄滄海涯。
深房珮芳蘭，固是玉所姬。蘭貢尚包摘，漢濱莫大隨。每來
促談塵，風生塵竹枝。骹麟得家法，伊優不能為。但聽呼擣
蒲，便足解人頤。功成在漏刻，頽利處囊錐。失勢落坑窞，寒
宅如愁鷓。得馬折足禍，亡羊多歧悲。屢敵因心計，伏兵幾
面欺。長戈仰關來，吐欵受羈縻。萬事只如此，畢竟誰成虧。
愛君方寸間，醇朴乃器師。安得擺俗纏，東崗並鉏犁。由來
在陰鶻，不必振羽儀。送行傾車蓋，載酒滿鸚夷。天高木葉
葉，潦退河流卑。也雲塞六幕，新月吐半規。人生會面難，取

醉聽狂癡語，一作詩鋒狂嘲譏。懸知履霜來，少別為不怡。天津媚河漢，闕角掛秋霓。中有鬼與神，赤舌弄陰機。夜光但十襲，出懷即瑕疵。去去善逆旅，凍醪約重持。山藥倒藤架，紅梨帶寒曦。坐須騎奴還，淹留歲恐期。無為出門念，牽衣嬰孺啼。短韻頽成頌，時時寄相思。

種決明

右皇富嘉種，決明注方術。耘鉏一席地，時至觀茂密。縹葉資芣羹，緗花馬蹄實。霜叢風雨餘，簸簸場功畢。枕囊代曲肱，甘寢聽芬苾。老眼願力餘，讀書真成癖。

都下喜見八叔父

一別七冬夏，幾書通置郵。冥鴻難借問，江鯨多沉浮。心因夢想去，迹為山川留。叔趨丹鳳闕，身向臥龍洲。邂逅入關

馬同時解轡，鞞別後事萬端。向來身百憂，洛客舊田園。慟哭新松楸，稍詢耆舊間。大半歸山丘，小兒携婦子。強祿皆累頭，清燈照逆旅。呼酒濯亂愁，破啼為笑語。霜夜盡更籌，歲寒叔舊節。况又高春秋，老松心梗槩。綠竹氣和柔，言如不出口。體若不勝裘，德音潤九里。政事無全牛，詩成戲筆墨。清甚常蘇州，冢籀有志氣。當於古人求，自悲聞道晚。涉世如虛舟，雖無觸物意。儻亦遭罵咻，稍窺性命學。未窮言行允，息心待自信。渺如大河流，隄防小不密。一決敗數州，安得心服禮。不見為瘡疣，荆雞變化材。鴟卵滯陰幽，願因咏抱力。浩蕩碧雲游。

次韻答叔原會叙照房呈稚川

客愁非一種，歷亂如蜜房。食甘念慈母，衣綻懷孟光。我家

猶北門王子渺湖湘寄書無鴈來衰草漫寒塘故人哀王
孫交味耐久長置酒相暖熱愜於冬飲湯吾儕癡絕處不
減顧長康得閑枯木坐冷日下牛羊坐有稻田衲頗薰知
見香勝談初疊疊脩綆汲銀床聲名九品重冠蓋萬夫望
老禪不掛眼看蝸書屋梁韻與境俱勝意將言兩忘出門
事袞袞半柄莫昂昂月色麗雙闕雲雲泮建章苦寒無處
避唯欲酒中藏

同王稚川晏叔原飯寮照房

得房字

高人住寶坊重客款齋房市聲猶在耳虛靜生白光幽子
遺淡墨窻間見瀟湘簾葭落鳧鴈秋色媚橫塘博山沉水
煙淡與人意長自携鷹爪牙來試魚眼湯寒浴得溫涵體
淨心凱康盤食取近市厭飫謝羶羊裂餅羞豚膾包魚菱
荷香平生所懷人忽言共榻淋常恐風雨散千里舊相竺
斯游豈易得淵對妙濠梁雅人王稚川易親復難忘晏子
與人交風義盛激昂兩公盛才宮論蕭文京鄙夫得秀
句成誦更懷藏

次韻叔原會寂照房得照字

風雨思齊詩草木怨楚調本無心擊非勝日用歌嘯僧窻
茶煙底清絕對二妙俱含萬里情雪梅開嶺徼我慙風味
淺砌莎慕松蒿中朝盛人物誰與開顏笑二公老諳事似
解寂寞釣對之空嘆嗟樓閣重晚照

次韻稚川得寂字

平生萬里興歛退著寸尺向來類竊鉄少日已爭席曩過
招提飯愜當易為適食鮭如舉士名下無遺索談餘天雨

花荼罷風生腋誰言塵土中有此坐上客言前傾許可曾
次開塼塞同是蠹魚癡還歸理編冊長安千門雪蟹黃熊
有白更約載酒行無為守岑寂

竹軒詠雪呈外舅謝師厚并調李彥深

破臘春未融土膏寒不發數聲鳴條風一夜灑窻雪開軒
萬物曉落勢良未歇鏗鏗青琅玕閱此歲凜冽推埋頭搶
地意氣終自潔君子謂此君全身斯明哲屋頭維女貞顏
色少澤悅稍能窺藩籬亦有固窮節任興冉冉生門外無
車轍寫之朱絲絃清坐待明月

丙寅十四首效韋蘇州并序

二月丙寅率李原彥深謝情公靜游百花洲適為游人
所擅見拒於晨門因賦何人有酒句無事誰家多竹門

可飲之句行樂圖李氏園步至廣濟僧舍謁范忠隱美園

雪齋草木動春融煙景和嘉辰掩關坐如此節物何同游
得二子晤對不在多

不知鞍馬倦想見洲渚春清書鏤芳園誰家停畫輪高柳
極有思向風招游人

漸嘉樓外花嘉賞亭邊柳作者歸山丘今春為誰有千秋
萬歲後還復來游否

漸佳樓陽夏謝希深
作嘉賞亭范文正作

城南有佳園風物迎馬首但賞主人竹不飲主人酒紅日
媚紫苔輕風泛青柳

三公未白髮十輩乘朱輪只取人看好何益百年身但願
長今日清樽對故人

江梅香冷淡開遍未全疎已有耐寒蝶雙飛上花須今夜

巖城角肯留花在無

我思五柳翁解法一生事得錢送酒家使靜尋山寺念我還如此翁應會人意

庭空日色靜樓迥鐘聲遲褐叟已爭席馴鴉更不疑同來復同去竟別我為誰

謝甥有逸興李髯非不嘉苦思夢春草醉狂眠酒家斯游無俗物傲睨至昏鴉

寺古老僧靜亭陰脩竹多萊公作州日部曲屢經過衆推識公面蒼石眠綠莎

盛時衆吹噓謫去衆毀辱不為公存亡幽蘭春自綠欲書見相傳安得南山竹

昔公洞鼎實指顧九廟尊郡國富士馬于今開塞垣誰能

起公死為國守北門

出身世喪道解綬飢驅我杯中得醉鄉去就不復果豈謂俗人言達人儻予可

少小尚狷介與常人不款置身稍雍容遇酒輒引滿自是鶴足長難齊鳧脰短

對酒歌答謝公靜

我為北海飲君作東武吟看君平生用意處蕭洒定自知人心南陽城邊雪三日愁陰不能分皂白摧輪踈蹄沉數尺城門晝閉眠賈客移人僵尸在旦夕誰能忍長待食麥身憂天下自有人寒士何者愁填臆民生政自不願材可乘以車可鞭策君不見海南水沈紫旃檀碎身百煉金博山豈如不蒙斧斤賞老大絕崖霜雪間投身有用禍所集

何況四達之衢，并先汲。昨日青童天上，回手捧玉帝除書。來一番通籍清都，闕百身書名赤城臺。飛昇度世無虛日，惟我短褐趨塵埃。願謂彼童子，此何預人事。但對清樽，即眼開。一杯引入著勝地，傳聞官酒亦自清。徑須沽取續吾瓶。南山朝來似有意，今夜儻放春月明。

戲贈彥深

李原字彥深厚之弟居南陽

李髯家徒立四壁，未嘗一飯能留客。春寒茅屋交相風，倚牆捫虱讀書策。老妻甘貧能養姑，寧剪髮鬢不與書。大兒得飧不索魚，小兒得禪不索襦。庾郎鮭菜二十七，大常齋日三百餘。上丁分臠一飽飯，藏神夢許羊躉蔬。世傳寒士有食籍，一生當飯百雞。沮冥冥主張審如此，附郭小圃宜勤鋤。葱泱青青葵甲錄，早韭晚菘羹糝熟。充虛解戰賴湯餅，筆以泝齋與甘菊。幾日隣槐已著花，一心嚼蕪莫成飯。群兒笑髯窮百巧，我謂勝人飯重肉。群兒笑髯不若人，我獨愛髯無事貧。君不見猛虎即人厭，麋鹿入還寢皮食其肉。濡濡終與豕俱焦，飮肥擇甘果非福。蟲蟻無知不足驚，橫目之民萬物靈。請食熊蹯楚千乘，立死山壁漢公卿。李髯作人有佳處，李髯作詩有佳句。雖無厚祿故人書，門外猶多長者車。我讀楊雄逐貧賦，斯人用意未全疎。

寄南陽謝外舅

謝公遂偃蹇南陽，無舊廬。天與解纓紱，元非傲當塗。庖丁釋牛刀，衆手斫大觚。白雲曲肱臥，青山滿床書。妙質落川澤，果然天網疎。然知一作知今人巧，未覺古人迂。築場歲功休，夜泉鳴竹渠。曾懷鬱磊隗，此物諒時須。兒能了翁事，安

用府中趨孫能誦翁詩乃是千里駒人生行樂耳用舍要
自如我方神其拙社樵官道樗公猶憂斧斤脾脫斲樽壺
萬古身後前芭蕉秋雨餘少年喜技獐叱化粒成珠謨功
可歌舞學古則暖妹所好果不同未可一理驅眇忠忘言
對安得南飛鳧鄙心生蔓草萌芽望耘鋤離筵如昨日春
柳見霜枯未辱錦繡段時蒙雙鯉魚憶在參九杖雍容覲
規模引接開藻鑒高明通事樞門生五七輩寂寞半白鬚
談經落塵尾行樂從藍輿看竹辟強宅閱士黃公壚雪屋
煮茶藥晴簷張畫圖幽寺從燈火青氈置樗蒲遠床叫一
擲十白九雉盧蔡澤來分功素耽必上都開旗縱七走破
竹殄群胡成臬燭為明挾長朋佐呼終飲見溫克所爭匪
錙銖誰令運甕翁見謂牧豬奴事託丈人重乃愛屋上烏
舊言如對面形迹滯舟車風簾想隱几天籟鳴寒梧尚喜
讀書否還能把酒無鄴城渺塵沙冠蓋若秋葉相遇問寒
溫意氣馳九衢楚客雖工瑟齊人本好竿永懷溟海量北
斗不可斟勝夜親筆墨因來明月珠

次韻正仲三丈自衡山返命舍驛過外舅師厚贈答
昏昏市井氣咕咕兒女語禽喧聲百種春作事萬緒人間
鷄黍期天上德星聚乖離略十年髮白齒齟齬太史禱衡
仁休王用貌虎子雲免大夫草玄空自苦人生只尔是付
與甕頭醕

豫章黃先生外集第一

蘇章黃先生外集第一

黃庭堅魯直

古詩七十八首

次韻謝外舅病不能拜復官

次韻師厚視田悼李彥深

次韻師厚食蟹

次韻謝外舅食驢腸

次韻師厚荅馬著作

次韻師厚黃連橋

次韻外舅謝師厚病間十首

和謝公定征南謠

寄耿令幾父過新堂邑作

放言十首

送伯氏入都

次韻孔四著作北行溲沱

渡河

次韻李六弟濟南郡城橋亭之詩

和甫得竹數本於周翰喜而作詩和之

寄題欽之草堂 和荅梅子明

送劉道純 次韻子瞻春菜

六舅以詩來覓銅犀用長句持送

次韻子瞻與舒堯文禱雪霧猪泉唱和

見子瞻察字韻詩和荅三人四返不困而愈崛

奇輒次舊韻寄彭門三首

次韻荅堯民

再和寄子瞻聞得湖州

用明發不寐有懷二人為韻寄李秉彝

賦未見君子憂心靡樂八韻寄李師載

以同心之言其臭如蘭為韻寄李子先

次韻晁元忠西歸十首

次韻謝外舅病不能拜復官夏雨眠起之什

犬入養痾臥此道取衆弃強飯尚可飽力田苦常匱欲從

羣兒嬉出語不斌媚軒窗坐風涼編簡勘遺墜自安并無

禽未歎旅焚次夏暑極陽功時霖作陰事呼兒疏藥畦植

杖按爪地南山雲氣佳北極晃旒邃自欣鬢髮白得見衣

裳治山林收枯槁草木洗憔悴舐痔以車來探珠遭龍駝

腹便時蒙嘲身退得自恣伊優無下僚翫辭謝高位誰能

領斯會好在漆園吏

次韻師厚五月十六日視田悼李孝深深去辛五月十三

日與之游西郊

南鴈傳尺素飛來臥龍城頗知高臥久忽作田野行湛湛

陂水滿欣欣原草榮日華麗山川秀色奪目情對酒不滿
懷攬物有餘清念惜讀書客遠人遺世情南畝道觀餉西
郊留勸耕共遊如昨日笑語絕平生此七今已矣賞筵老
無成猶倚謝安石深心撫髮惇老無成一作無老成

次韻師厚食蟹

海饌糖蟹肥江醪白蟻醇每恨腹未厭誇談齒生津三歲
在河外霜臍常食新朝泥看郭索暮鼎調酸辛趨蹌雖入
笑風味極可人憶觀淮南夜火攻不及晨橫行葭葦中不
自貴其身誰怜一網盡大去河伯民鼎司費萬錢玉食羅
常珍吾評揚州貢此物真絕倫

次韻謝外舅食驢腸

畜頭畏庖丁趨死尚能鳴說以雕俎樂甘言果非誠生

千金繼死得五鼎烹禍胎無腸胃殺身和椒橙春風都門
道買魚百十并騎奴吹一呖駟駿不敢爭物材苟當用何
必溼注生忽思麒麟種突兀使人驚

次韻師厚荅馬著作屢贈詩

嘗聞馬南郡少有技俗韻寒衣幾見溺鍛翮常思奮桐薪
焉龜問劔氣吐吳分多言世益蚩當律心自隱家雖四立
壁仕要三無愠會將漁父意往就莊生問

和荅師厚黃連橋壞大木亦為秋雹所碎之作

溪橋喬木下往歲記經過居人指神社不敢尋斧柯青陰
百尺蔽白日烏鵲取意占作窠黃泉浸根雨長葉造物著
意固已多風摧電一作打掃地盡竟莫知為何譴訶獨山
冷落城東路不見指名終不磨

次韻外舅謝師厚病間十首

貝錦不足歌請陳江漢詩美人出江漢窈窕世未窺折蘭
不肯珮告我以蠶飢獨歸豈憚遠三危露如飴
德人更疾疾術智益灑落反身見萬古道不在卜度宵中
有鑛鄒老境要志弱謝公賦達生達生真可託
引鏡照清骨驚非曩時人天地八喻指芭蕉自觀身程力
則已病征財又室貧古來支離疏粟帛王所仁一作主
菹寒知園秋飯白問米賤婦孫勸甘旨霜兔頗宜麵黃花
不舉酒佳句餘嫪戀經行宴坐堂鼠迹書几硯
桃李一春期松栢千歲永經玄事寂寞髮白官閑冷草綠
艾如張波清盛伺影東里與無趾渠有幸不幸
病餘兒廢鋤一作門巷草芊芊來者何所聞披草足登

然封侯一作相一作無金錢一作白鶴去一作湖水黏天

民生自煎熬煮豆以箕爨居然忘本志一作不供翫藏山

夜半失烏令歸星散因病見不生達人果大觀

開田種白玉飽牛事耕犁雨露非無澤得秋常苦遲猛虎

擅文章班班被諸兒長松抱勁節唯有歲寒知

謝公蒔蘭若真意付此物惠然風肯來香為一披拂遙知

醉吟姿甃勉向朱紋搯節橘柚黃僧屋對像佛

身病心輕安道肥體癯瘦好懷當告誰四墻棗紅皺負暄

不可獻捫虱坐清晝端有真富貴千秋萬年後

和謝公定征南謠

傳聞交州初陸梁東連五溪西氐羌軍行不斷蠻標盾謀
主皆收漢畔亡合浦譙門腥血沸晉興城下白骨荒謀臣

異時坐致寇守臣今日愧包桑已遣戈舩下灘水更分樓
舩浮豫章頗聞師出三鷓路盡是中屯六郡良漢南食麥
如食玉湖南驅人如驅羊營平請穀三百萬祁連引兵九
千里少府私錢不可知大農計歲今餘幾士兵蕃馬貔虎
同蝮虵毒草篁竹中未論芻粟捐金費直愁瘴癘連營空
我思荊州李太守欲募蠻夷今自攻至今民歌尹殺我州
郡擇人誠見功張喬祝良不難得誰借前勅開天聰詔書
哀痛言語切為民一洗橫尸血椎鋒陷堅賞萬戶塹山堙
谷窮三穴南平舊時頗臣順欲獻封疆請旄節廟謀猶計
病中原豈知一朝更屠滅天道從來不爭勝功臣好為可
喜說交州鷄肋安足貪漢開九郡勞臣監呂嘉不肯佩銀
印徵側持戈敵百男君不見往年瀕海未郡縣趙他開關

龍朝獻老翁竊帝印自娛白頭抱孫思事漢孝文親遣勞
苦書稽首請去黃屋車得一亡十終不忍木宋之仁千古無

寄耿令幾父過新堂邑作迺幾父舊治之地

呼舩凌大河驅馬踏平沙道旁開新邑千戶有生涯四衢
平且直綠槐陰縣衙問誰作此邑耆舊對予嗟前日耿令
君遷民出坳窰始遷民懷土異端極絲擘既遷人氣和草
木茂萌芽桃李雖不言春風滿城花陵陂青青麥煙雨潤
桑麻自非耿令君大澤荒蘆葭白頭晏起飯襁褓語嘔吐
自非耿令君漂轉隨魚蝦豈弟民父母不專司斂餘令君
兩男兒有德必世家問令今安在解官駕柴車當時舞文
吏白壁強生瑕令君袖手去不忍試虎牙人往惜事廢感
深知政嘉我聞耆舊語歎息至昏雅定知循吏傳來者不

能加今為將軍客。軒蓋湛光華。幕府省文書。醉歸接羅斜。
懷寶仁者病。偷安道之邪。勉哉思愛日。贈言同馬過。

放言十首

廢興宜有命得失但自知。踽踽衆所忌悠悠誰與歸。吾義
苟不存豈更月攘雞。風清聞鶴唳想見南山棲。
匣中綠綺琴欲撫已絕絃。問絃何時絕鍾期謝世年。正聲
不可聞千載寂寞間未有顏叔子安知柳下賢。
輕肥馬上郎枯槁林下士。聲名斷自然勢利焚和氣。智人
不駭俗同朝皆用事物外有華胥時時夢中至。
蘭楫桂為舟大江可遠游。堅車無良馬出門敗吾輶。一身
交萬物用我未易周。安得柳下惠窮年與之遊。
微雲起膚寸大蔭彌九州。至仁雖愛物用捨如春秋。晴空
不成雨遠岫行歸休。何疑陶淵明一去如驚鷗。

黃鵠送黃鵠中道言別離。送君不憚遠愁見獨歸時。羅網
翳稻梁江湖水瀰瀰。行行不相見勉哉冥冥飛。

蟬聲已紆遲秋日行腕脫長年困道路驅馬方更遠從事
常厭煩歸心自如卷。昔其良未豐安得懷息偃。

月滿不踰望日中為之傾。天地尚乃爾萬物能久盈。明德
忌晬睡高才貴冥冥。忽解扁舟去懷哉張季鷹。

榨床在東壁病起繞壁行。新醅浮白蟻渴見解朝醒。小槽
垂玉筍音響有餘清。疾風春雨作靜夜山泉鳴安得朱絲
絃為我寫此聲。想知舜南風正爾可人情。

弄水清江曲采薇南山隅。當吾無事時此豈不我娛。喬木
好鳥音天風韻虛徐。遐心遊四海萬里不須更回首。古衣

冠荆樊老丘墟欲付此中意歸翻蟲蠹書短生憂不足此
道樂有餘

送伯氏入都

貧賤難安處別離更增悲經營動北征慈母待春衣短簪
驅瘦馬青草牧口嘶送行不知遠可忍獨歸時太華物華
春街柳轉黃鸝九衢生紫煙到家使人迷知音者誰子倦
客無光輝王侯不可謁秣馬興言歸豈無他人遊不如我
墳笮陳書北窻下此自有餘師

次韻孔四著作北行漚沈

駝褐蒙風霜鷄聲眇墟里青燈進豆粥落月踏冰水平生
不龜藥才可衛十指持比千戶封誰能優劣此

渡河

客行歲晚非遠遊河才無情日夜川平排堤注京郡詔
使奪河還此州憶昔冬行河梁上飛雪千里曾米壯人言
河源凍徹天冰底猶聞沸驚浪

次韻寄李六弟濟南郡城橋亭之詩詩叟

客心如頭垢日欲撩千篋聞人說江南喜氣吐晴霓伏地
夢歸路子規吟翠微濟南似江南舊見今不疑洗心欲成
游王事相奪移駕馬戀棧豆豈能辭繁縲本無封侯骨見
事又重遲徒能多著酒大腹如鴟夷唯思一漁舟載網橫
渺瀰矯貢歷下亭朱欄轉清溪春風吹桃李三月自成蹊
翠葉張日幄紅英鋪地衣此中有嘉興不醉定自非況當
郡政成野蠶麥兩歧與民同觀游永夜不闔扉女牆上金
樞天如青琉璃想子果下歸馬飽生芻嘶

和甫得竹數本於周翰喜而作詩和之

初侯一畝宮風雨到臥席前日築短垣昨日始封植平生
歲寒心樂見歲寒色翩翩佳公子為致一窻碧憶公來相
居筮吉龜墨食人言陋如何我自適其適白眼對俗徒醉
帽坐歌側人知愛酒尔不解心得得阿堵絕往還此君是
賓客清風吹月來驪甚齒折笈有節似見聖無言諒知默
數回長者車猶恨地未僻陰雨打葉時曲肱自宴息心游
萬物初何處尋轍迹從來脩竹林乃是逸民國

寄題欽之草堂

河南有伏流經營大行根盛德不終晦發為清濟源公家
濟源上大行正當門脩竹帶藩籬百禽鳴朝暎仰視浮雲
作俯窺流水奔相望有盤谷李愿故居存主人國之老實
惟商巖孫班行昔供奉屢進逆耳言天子色為動群公聲
亦吞肅肅冰霜際不改白玉温出處士所重其微難共論
公勿懷草堂朝廷待公尊

和荅梅子明王揚休點密雲龍

小壁雲龍不入香元豐龍焙承詔作二月嘗新官字盞游
絲不到延春閣去年曾減光輝人間十九人未知外家
春官小宗伯分送蓬山裁半壁建安甕枕鷓鴣班谷簾水
與月共色五除試湯飲墨客泛甌銀粟無水脉辟宮澗迨
王廣文初觀團團破龍紋諸公自別淄澠了兔月葵花不
足論石磴春芽風雪落煮澆肺渴初不惡河伯來觀東海
若鹿逢朱雲真折角子真雲孫唾成珠廟堂只今用諸儒
鍊成五石補天干上書致身可亨衢願我賜茶無骨相他

年幸公肯相餉

送劉道純

五松山下古銅官，邑居福小水府寬。民安蒲魚少囂訟，簿領未減一丘繁。曾中崢嶸書萬卷，簸弄日月江湖間。稠人廣衆自神王，按劍之眼白相看。老身風波諳世味，如食橘柚知甘酸。麒麟圖畫偶然耳，半枕百年夢邯鄲。平生樽俎宮亭上，涉世忘味皆朱顏。此時阿翁尚無恙，追琢秀句酬江山。堂堂今爲蛻蟬去，五老偃蹇無往還。大梁城中笏柱頰，頰髭今成雪點斑。青雲何必出公右，亨衢在天無由攀。椎敲轉舩如病已，夢想樓臺落星灣。子正諸兒喜文史，阿秤亦聞有筆端。丹徒布衣未可量，詩書且對藜藿盤。火中生涯識陰雨，木末牖戶知風寒。我今四壁懸敗綠，如公未能長挂冠。

次韻子瞻春菜

北方春蔬嚼冰雪，妍暖思采南山蕨。韭苗水餅姑置之，苦菜黃鷄羹糝滑。尊絲色紫菰首白，萋蒿牙甜焯頭辣。生菹入湯翻手成，芼以薑橙誇縷抹。鴛雷菌子出萬釘，白鵝截掌鱉解甲。琅玕林深未飄擗，軟炊香抗煨短茁。萬錢自是宰相事，一飯且從吾黨說。公如端爲苦筍歸，明日青衫誠可脫。

六舅以詩來覓銅犀用長句持送舅氏學古之餘復味禪悅故篇末及之

海牛壓紙寫銀鈎，阿雅師守之索自收。長防玩物敗兒性，得歸老成散百憂。先生古心冶金鐵，堂堂一角誰能折。

兒言敲觥持贈誰外家子雲乃翁師不着鼻繩袖兩手古
犀牛兒好看取

次韻子瞻與舒堯文禱雪霧豬泉唱和

老農年饑望人腹想見四溟森雨足林回投壁負嬰兒豈
聞烹兒翁不哭未論萬戶無炊煙蛛絲蝸涎經杼軸使君
閔雪無肉味煮餅青蒿下鹽菽豈云剪爪宜侵肌霜不殺
草竹故綠幽靈罌西山霧牲肥酒香神未瀆得微往從
董父餐寧當罪繫葛陂淵卜擇祠官齊博士暴露致告蒼
崖顛請天行澤不汲汲爾亦枯魚過河泣生鵝斬頭血未
乾風馬雲車坐相及百里旌旗灑玉花使君義動龍蛇蟄
老農歡喜有春事呼兒飯牛埋蓑笠博士勿歎從公疲明
羊麥飯滑流匙

見子瞻繫字韻詩和荅三人四返不困而愈崛竒

輒次舊韻寄彭門

公材如洪河灌注天下半風日未嘗櫻晝夜聖所歎名世
三十年窮無歌舞玩入宮又見妬徒友飛鳥散一飽事難
諧五車書作伴風雨暗樓臺鷄鳴自昏旦雖非錦繡贈欲
報青玉案文似離騷經詩窺閨睢亂賤生恨學晚曾未奉
巾盥昨蒙雙鯉魚遠託鄭人緩風義薄秋天神明還舊貫
更磨薦襴墨推挽起疲懦忽忽未嗣音微陽歸侯炭仁風
從東來拭目望齋館鳥聲日日春柳色弄晴暖漫有酒盈
樽何因見此繫

人生等尺搖豈耐日取半誰能如秋蟲長夜向壁歎朝四
與暮三適為徂公玩臭腐斲神竒暗噫即飄散我觀萬世

中獨立無介伴小黠而大癡夜氣不及旦低首甘荼養尻
雕登俎案所以終日飲醉眠朱碧亂無人明此心忍垢待
濯盥仰看東飛雲只使衣帶緩先生古入學百氏一以貫
見義勇必為少作衰俗懦忠言願回天不忍數吞炭還從
股肱郡待詔圖書館投壺得賜金侏儒餘飽暖寧令東方
公但索長安紫

元龍湖海士毀譽略相半下床臥許君上床自永歎丈夫
屬有念人物非所玩坐令結歡客花為煙霧散武功有大
略亦復寡朋伴誅歌思見之長夜鳴渴旦東南望彭門官
道平如案簡書束縛人一水不能亂斯文妮拒鬯可用圭
璜盥誠求活國醫何忍弃和緩開疆日百里都內錢朽貫
銘功甚俊偉迺見儒生懦且當置是事勿使冰作炭上帝

羣王府道家蓬萊館曲肱夏簟寒炙背冬屋暖只令文字
垂萬世星斗紫

次韻荅堯民

君開蘇公詩疾讀思過半譬如聞韶耳三月忘味嘆我詩
豈其朋組麗等俳玩不聞南風絃同調廣陵散鶴鳴九天
上肯作家鷄伴晁子但愛我品藻私月旦官閑樂相從梨
栗供杯案門靜烏雀嬉花深蜂蝶亂忽蒙加禮兒齋戒事
播盥門大心更小意督辭友緩君材於用多舞選弓天貫
聰明回自照勝已果非懦我如相繪事素質施朽炭古來
得道人非獨大庭館晁子已不疑冬寒春自暖繫表知藥
言擇友得苟紫

再和奇子瞻聞得湖州

天下無相知得一已當半桃僵李爲什芝焚蕙增歎佳人
在江湖照影自娛玩一朝入漢宮掃除備冗散何如終流
落長作朝雲伴相思欲面論坐起雞五旦身慚尸廩祿有
罪未見案公又雄萬夫皦皦不自亂臧穀皆亡羊要以道
湔盥傳聲向東南王事不可緩春波下數州快若七札貫
椎鼓張風帆相見激衰懦空文不傳心千古付煨炭安得
垂天雲飛就吳興館魚鱗柳絮肥筍煮溪沙暖解歌史君
詞樽前有三蔡

用明發不寐有懷二人爲韻寄李秉彝德叟

竹貫四時清

一作竹節

月通雲氣明

一作月華

外弟有佳

質處

一作妙

年推老成後凋對霜雪

一作冰霜

不味處陰晴盛

德當如此

一作憶相見

古人畏後生

一作難

爲情

在昔授子書髡彼垂兩髮乖離今十年樹立映先達清燈

哦妙

一作誦

句如酌春酒滑把書念携手惆悵至明發

人生不如意十事恒八九未見歷下人徒傾歷城酒從來
親骨肉不免相可不但願崇事實虛名等箕斗

蚤知鵲山亭李杜發佳思彌年聽傳誇登覽通夢寐遙憐
坐清曠落筆富新製尚因賓客集酒使我醉

往在舅氏旁獲拚堂上帚六經觀聖人明如夜占斗索居
廢舊聞獨學無新有羨子祀桂材未曾離矯揉

安詩無恙時學行超輩儕華屋落丘山百憂滿人懷此士
如不亡仲子一作叔也抱奇材不獨典刑在神明還觀來

少時

一作年

誦詩書貫穿數萬字爾來窺陳編記一忘三二

光陰如可玩老境翻手至良醫曾折足說病迺真意

桃李春成徑本自不期人歷下兩寒士簞瓢能悅親
家
伐國問肯臥覆車塵子既得此友從之求日新

賦未見君子憂心靡樂八韻寄李師載

同陞吏部曾往在紀丁未別離感寒暑歲星行十二我慚
雞蓋穀子歎天且剗空餘山梁期尚不昧初志
會合良難期繫匏各異縣千里共明月如披故人面浮雲
蔽高秋此豈中心願霧重豹成文水清魚自見
齊地穀翔貴排門無爨饋二仲有甘旨奉親亦良勤原田
水洗洗何時稼如雲無民願豐歲政自不忘君
古人有成言歲暮於君子斧揮郢人鼻琴即鍾期耳新詩
凌建安高論到正始徒言參隔辰未負石投水
白雪非衆聽夜光忌暗投古來不識察浪自生百憂三月

楚國淚千年郢中樓無因杭一葦濁水拍天流

河南李茂彥內蘊邁俗心潛冲有涇渭一碩重千金事親
知色難勝已又勇沉外物既難必求之首陽岑

飄風從東來雨足盡西靡萬物逐波流金石終自止涓因
涇使濁菲以葑故毀智所無奈何誰能爲禱里

紛紛車馬客如集市人博彼雖有求來我但使一喙忽逢
媚學子時亦撼關鑰何當携手期濠上得魚樂

以同心之言其臭如蘭爲韻寄李子先

往日三語椽解道將母同我觀李校書超邁有古風談道
屢入微閉門長蒿蓬誰能賞遠韻太守似安豐

流水鳴無意白雲出無心水得平淡處渺渺不厭深雲行
不能雨還歸碧山岑斯人似雲水廊廟等山林

俗士得失重舍龜觀朶頤六經成市道駟僧以為師吾學
淡如水載行欲安之惟有無心子白雲相與期
摧藏褫冕冠寒歸立園一瓢俱好學伯仲吹簷禦政以
此易彼高車宅朱門得失固有在難為俗人言
携手日不足七年坐乖離愁思不能眠起視夜何其殘月
掛破鏡寒星滿天垂明明故人心維年終不移
窮閭蒿蔓瘴富屋酒肉臭酒肉令人肥蒿蔓令人瘦欲從
鍾鼎食復恐憂患構秦時千戶侯窳冥種瓜後
客從濟南來遺我故人書墨淡字疎行故人情有餘上言
猶健否次問意何如只今意何有思食故溪魚作思
吾子有嘉德譬如含薰蘭清風不來過歲晚蒿艾間古來
百夫雄白首在澗槃非關自取重直為知人難

次韻晁元忠西歸十首

我田失耕耘歲暮拾枯蕘一作擇枯蕘一作蕘不可食日晏
抱長飢猛虎依山林眼有百步威一從梁鴛食風月何時
歸

聖莫如承家長年困行路公養為淹留豈不以食故林薄
鳥遷巢水寒魚不聚孤士似無家轉蓬何由住
前有熊羆咆後有虎豹號已出澗谷底更陟山阪高五日
一併食十年一緼袍未知歸宿處豈憚鞍馬勞
黻姬封人子弄影愛朝日晉國始得之涕泣甘首疾憂危
与安樂一生誰能必同床食芻豢西悔沾襟失
恣句識之推商歌知窳戚我占龜氏賢乃在賦行役同游
弄殿中儻免非尔力滔滔今如此去邦將安適

熱避悲木陰。渴辭盜泉水。曾回勝母車。不落抱玉淚。晁氏
猛虎行。繳上壯士意。人生高唐觀。有情何能已。晁詩云。安
得龍山潮。

鸞。回實河水。水茂。扶
前未中有美人淚。

腰垂九片璜。耳著一月瑤。蘭蓀結襟帶。芟荷製衣裳。其人
雖甚遠。其室大道傍。當身不著意。千載永相望。

風雨去家行。手龜而鰲黑。屠龍非世資。學問求自得。我思
脊今詩。同飛復同心。兄弟無相遠。急難要羽翼。

人言貧在家。殊勝當作客。雞棲牛羊下。君子亦安息。千里
求明師。營糧從事役。學問非物外。室虛生純白。

開田望食麥。春隴無秀色。深耕不償勸。牛耳徒濕土。豐凶
誰主張。坐令秋煎迫。河清會有時。得洒灑白臆。

豫章黃先生外集第二

